



Na osnovu člana 64. stav (1) tačka b), člana 70. Zakona o javnim nabavkama („Službeni glasnik Bosne i Hercegovine”, br. 39/14, i 59/22 i 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH”, broj 32/23, Prečišćen tekst), na preporuku Komisije za nabavku od 12.08.2026. godine, Centralna izborna komisija Bosne i Hercegovine je na 51. sjednici održanoj 20.08.2026. godine, d o n i j e l a

O D L U K U

o izboru najpovoljnijeg ponuđača

(1) Ugovor za nabavku usluga revizije sistema za biometrijsku identifikaciju birača i skeniranje glasačkih listića na biračkim mjestima, dodjeljuje se Grupi ponuđača „PRO V&V“ Inc, Huntsville, Alabama 35806, USA, predstavnik grupe i Agencija „MIDDLE POINT EL“ d.o.o. Sarajevo, član grupe.

(2) Ponuda ponuđača iz stava (1) dispozitiva ove odluke je u skladu sa kriterijima i tehničkom specifikacijom utvrđenom tenderskom dokumentacijom i ocijenjena je najpovoljnijom u odnosu na drugo rangiranog ponuđača.

(3) Grupi ponuđača iz stava (1) ove Odluke će biti dodijeljen ugovor u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji. Ugovor će se zaključiti na ukupnu vrijednost u iznosu od **565.000,00 KM bez PDV-a, odnosno 661.050,00 KM sa PDV –om.**

(4) Ova Odluka stupa na snagu danom donošenja.

O b r a z l o ž e n j e

Postupak javne nabavke usluga revizije sistema za biometrijsku identifikaciju birača i skeniranje glasačkih listića na biračkim mjestima, proveden je putem otvorenog postupka nabavke (međunarodni platni razred) za dostavu ponuda. Obavještenje o javnoj nabavci objavljeno je na Portalu javnih nabavki broj: 794-1-2-154-3-12/26 od 09.06.2026. godine. Do krajnjeg roka za prijem ponuda dana 27.07.2026. godine do 14,00 sati na adresu Centralne izborne komisije BiH dostavljene su dvije ponude ponuđača „ARTCO GROUP“ d.o.o. Sarajevo, Marka Marulića broj 2, 71000 Sarajevo i Grupe ponuđača „PRO V&V“ Inc Huntsville, predstavnik grupe ponuđača sa sjedištem u 6705 Odyssey, Drive Suite C, Huntsville, Albama 35806 i Agencija „MIDDLE POINT EL“ d.o.o. Sarajevo.

Komisija za javnu nabavku imenovana Odlukom broj: 07-2-16-3-877-1/26 od 29.05.2026. godine, izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-877-18/26 od 13.08.2026. godine, koji je u prilogu ove Odluke i utvrdila da je ponuda Grupe ponuđača „PRO V&V“ Inc Huntsville, Albama, najpovoljnija, jer ispunjava tražene uslove i ponuđena je niža cijena u odnosu na drugo rangiranog ponuđača, te uputila preporuku Centralnoj izbornoj komisiji BiH za izbor Grupe ponuđača „PRO V&V“ Inc Huntsville, Albama i dodjelu ugovora za nabavku usluga revizije sistema za biometrijsku identifikaciju birača i skeniranje glasačkih listića na biračkim mjestima po ponuđenoj cijeni u iznosu od **565.000,00 KM bez PDV-a, odnosno 661.050,00 KM sa PDV –om, koja je postupku e-Aukcije snižena za 43,5 % u odnosu na prvobitno ponuđenu cijenu.**

Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku: Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove Odluke.

Broj: 07-2-16-3- ~~887~~19/26
Sarajevo, 20.08.2026. godine

Dostavljeno:

1. Ponuđačima
2. Odsjeku za materijalno finansijske poslove
3. Na internet stranicu CIK BiH www.izbori.ba i
4. a/a



Predsjednik

Jovan Kalaba